

- 15 Que jamais il ne te souviengne 150^o
 De chose que bien li aviengne,
 Fors de ses vices seulement;
 Et ayes ¹⁾ toudis ensement
 Devant les yeulz de ton curaige
- 20 S'elle t'a fait aucun damaige,
 Comme de tes deniers despandre
 Ou d'engagier ta terre ou vendre,
 S'elle t'a fait aucun faus tour
 Dont tu ayes au coer tristour,
- 25 S'elle t'a fait paine et anuys
 Souffrir, soit de jours ou de nuys,
 Ou s'elle ha nouvel amy fait.
 Ou aucun aultre vilain fait,
 A ches choses que je te conte,
- 30 Qui te ramentoivent sa honte,
 Dois tu ta pensée tourner,
 Car s'ainsy te voelz atourner
 Tu le hairas legierement;
 Et supposé meesmement
- 35 Que t'amie soit belle et fresche
 Et qu'il n'ait en li nule tesche
 Tele que chy devant deïsmes,
 Si dois tu faindre en toy meïsmes
 Qu'elle soit et laide et vilaine
- 40 Sans faille, se ch' estoit Helaine
 Ou la meïllor e'on sceüst prendre,
 Si porroit on pour li reprendre
 Et accuser de mesproïson
 Bien trouver aucune acoïson.
- 45 Li commons proverbes le proeuve
 'Acoïson qui son chat bat troeuve'.
 Briefment, saichés qu' il n'est personne,
 Tant soit honnourable ne bonne
 Ne de gracieuse maniere
- 50 Qui ne soit à blamer legiere,
 Qui mettre y volroit son engien,
 Car li malz est voisins au bien.

Doch Pallas will nicht blos zerstören, sie weiss auch etwas Neues aufzurichten.

Pallas li monstre... en quelz choses il se poet mielz employer qu'en la vie d'amours et li fait premierement mencïon des trois vies (voluptueuse, active, contemplative).

¹⁾ Hs. *Et se ayes.*